

UGOVOR

Fond Kantona Sarajevo za zaštitu i održavanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac br. 22, Sarajevo, koga zastupa direktor Suad Zijadić, prof. (u daljem tekstu: Ugovorni organ)

i
„Kimibly“ d.o.o., ul. Blažuj broj 108., Ilidža, Sarajevo, koga zastupa direktor Mr.sc. Halilović Avdo (u daljem tekstu: Dobavljač)

I PREDMET UGOVORA

Član 1.

Predmet ovog Ugovora je izvođenje radova na izgradnji centralnog nišana na mezarjima na području općina Hadžići i Vogošća.

Radovi će se izvršiti prema usvojenom likovnom rješenju i projektu.

Član 2.

Radovi će se izvoditi u skladu sa tehničkom dokumentacijom iz člana 1. ovog Ugovora i važećim propisima, standardima i tehničkim normama i pravilima struke.

Sastavni dio Ugovora je Ponuda broj: 2-7/17 od 26.07.2017.godine.

II VRIJEDNOST RADOVA

Član 3.

Ugovorne strane su saglasne da *netto* vrijednost Ugovora iznosi

10.682,10 KM

(slovima: desethiljadašeststotinaosamdesetdva i 10/100KM)

Dobavljač nije PDV- obveznik u skladu sa pozitivnim zakonskim propisima.

III NAČIN PLAĆANJA

Član 4.

Ugovorni organ će Dobavljaču uplatiti avans u iznosu od 30% od ugovorene cijene u roku do 30 /trideset/ dana od datuma potpisivanja ugovora, nakon što Dobavljač predoči Ugovornom organu avansnu fakturu i mjenicu sa mjesečnom izjavom. Avansna isplata će se nadoknaditi oduzimajući proporcionalne iznose od redovnih isplata Dobavljaču, da bi se u punom iznosu nadoknadio do isteka roka za završavanje ugovora.

Plaćanje će se prilagođavati odbijanjem za avansnu situaciju.

Ugovorni organ će plaćati Dobavljaču privremene situacije ovjerene od strane Nadzornog organa u roku od 30 (trideset) dana od datuma prijema ovjerene situacije.

IV MJESTO IZVRŠENJA UGOVORA

Član 5.

Ugovorne strane su saglasne da je mjesto izvođenja radova mezarja na području općina Hadžići i Vogošća.

V ROK

Član 6.

Rok završetka radova je 50 (pedeset) kalendarskih dana, od dana obostranog potpisivanja ugovora.

Član 7.

Ugovoreni rok se može produžiti samo:

- u slučaju zakašnjenja uvođenja u posao, za onoliko dana koliko je trajalo to zakašnjenje,
- u slučaju više sile, za onoliko dana koliko su trajali razlozi produženja izazvani tom silom.

Član 8.

U slučaju kašnjenja u izvođenju radova, do kojeg je došlo krivicom odabranog ponuđača, isti će platiti ugovornu kaznu, u skladu sa Zakonom o obligacionim odnosima, u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorene vrijednosti radova, koji su predmet ugovora. Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje, od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja, na koje izabrani ponuđač, nije mogao uticati niti ih predvidjeti.

VI OBAVEZE DOBAVLJAČA

Član 9.

Dobavljač se obavezuje da će:

- radove obavljati stručno i kvalitetno u skladu sa tehničkim opisom radova i dinamičkim planom građenja,
- dostaviti Ugovornom organu atest o kvaliteti kamena,
- u slučaju odstupanja od projektne dokumentacije odmah obustaviti radove,
- izvesti sve eventualne naknadne i nepredvidive radove,
- naknadni i nepredviđeni radovi mogu se izvoditi samo pod uslovom da su prije početka izvođenja radova ugovorene jedinične cijene između ugovorenih strana, a što će biti regulisano novim ugovorom,
- nišane raditi isključivo od kamena "Carrara C", a staze od kamena koji je naveden u predmjeru radova Dobavljača,
- obavjestiti pismeno Ugovorni organ i pozvati ga da obezbjedi prisustvo svog Nadzornog organa kako bi se izvršio nadzor nad kvalitetom kamena i obrade kamena.

VII GARANTNI ROK

Član 10.

Garantni rok za izradu nišana i nadgrobnih spomenika je 2 (dvije) godine.

Ukoliko se u garantnom roku pojave nedostaci u izradi nišana, Dobavljač je dužan na prvi poziv Ugovornog organa otkloniti nedostatke o svom trošku.

Ukoliko se Dobavljač ne odazove na poziv Ugovornog organa za otklanjanje nedostataka, Ugovorni organ ima pravo angažovati drugog dobavljača o trošku Dobavljača iz ugovora.

VIII GARANCIJA ZA KVALITET IZVEDENIH RADOVA

Član 11.

Dobavljač će u roku od 10 /deset/ dana od internog tehničkog prijema radova dostaviti garanciju u vidu mjenice i mjenične izjave u iznosu od 5% od vrijednosti izvedenih radova sa PDV-om za kvalitet izvedenih radova sa rokom trajanja od 2 (dvije) godine plus 30 (trideset) dana.

IX NADZOR

Član 12.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: *Tehnička komisija Fonda memorijala*.

X OSTALE ODREDBE

Član 13.

O izvršenim radovima sačinjava se zapisnik, koji ovjerava ovlašteni predstavnik Dobavljača, Ugovornog organa i Nadzornog organa. Zapisnik o izvršenim radovima, predstavlja dokument na temelju kojeg se vrši situiranje izvršenih radova.

Član 14.

Za sve što nije predviđeno ovim Ugovorom primjenjivat će se odredbe Zakona o obligacionim odnosima i posebne uzansi o građenju.

Član 15.

Sve eventualne sporove u vezi sa izvršenjem ovog Ugovora ugovorne strane će rješavati sporazumno.

U slučaju da ugovorne strane ne uspiju riješiti nastali spor, za rješavanje spora stvarno i mjesno nadležan je sud u Sarajevu.

Član 16.

Ugovor je sačinjen u 4 (četiri) istovjetna primjerka od kojih Dobavljač zadržava 2 (dva), Ugovorni organ 1 (jedan) primjerak, a 1 (jedan) primjerak se dostavlja Nadzornom organu.

Član 17.

Ugovor stupa na snagu danom obostranog ovjeravanja i potpisivanja Ugovora od strane ovlaštenih zastupnika ugovornih strana.

**ZA UGOVORNI ORGAN
DIREKTOR
Suad Zujadić, prof.**



Broj:13-14-02-279/17
Sarajevo, 14.08.2017.godine

**ZA DOBAVLJAČA
DIREKTOR
Mr.sc. Halilović Avdo**



Broj:
Sarajevo, 14.8.2017.